

ألوان

أشعار بالعامية المصرية

للشاعر / محمد رجب

إهداء

الى روح أمي وقلب أبي
وحب زوجتي وصفاء اولادي
و وفاء اصحابي
مع خالص حبي وتقديري
لكل قارئ و مبدع ومحب للأدب
الى كل مهتم ومحِب
لمصرنا الحبيبة
اهدي هذا العمل
الشاعر / محمد رجب

منه من ان في غير موجود
منه أصل المصدر

بجاء

ميسر

بحبك ..
يا أجمل ملامح وجودي

بحبك ..
وحبك ميراثي وأساسي ..
وأهلي وناسي ..
أبويا وجدودي

بحبك ..
—
مآذن بتعلي وتعلي ..
بصوت الأذان

وجندي في ميدان ..
بيفدى بدمه ..
ولا شئ يهمه ..

سومي

بحبك

—
وكله إيمان
بحبك خضار ..

وقلبك عمار ..
يملاني ديما ..
بنور النهار

بحبك يا بلدي ..
ومالي اختيار
بحبك ..

مصانع وصانع صبور ..
بيعشق مكنته ..

ويغزل ف توبك ..
ويكتب حكايته ..
ويفرش دروبك ..
محبه ونور
وأحبك ..
مكافح ..
وعالم طيب ..
مذاكر دروسه وفاهم لبيب
وأحبك ..
مزارع وزارع ح قول ..
نخيلك ونيلك ..
وقمحك وفول
بيزرع في أرضك ..
ويتمنى سعدك ..
ونيلك وسدك ..
قالوا له يقولك
بـحبك بحبك

تعريف

طول عمري عاشق ..
طمي نيلي الأسمراني
وخداني مني نخلتي..
ومحبتني ..
لأهلي وجبراني
طول عمري سابق بالخطاوي..
الخصر موال الغناوي
فلاح لكن فنان ..
وعاشق تربتي..
وفي سكتي ..
ديماً بالآقي الخير..
ببملا في الغيطان ..
معروف ..
ويشهد لى الزمان ..
ساعة حصاد الزرع ..
وأنا بجني في المحاصيل
عارف بانى الفرع ..
من شجرة..
ابن النيل
مانا ابن مصر الطيبة ..
أم الرجال العرقانين
حاضنين مكانهم ..

وفي مكانهم ..
دقوا الكفوف ..
على صوت مصانع عزهم..
وبجهدهم ..
عدت بلدنا الحلوة فوق كل الظروف
عمال وشايلين ..
على أكتافهم آمال
وان مال زمانهم ..
عزمهم قد الجبال
أنا ابن مصر ..
ومهنتي عامل
لسايا شايل ..
فوق كتافي الحمل
وباغني على صوت المكن..
موال
بحب بلدي ..
وبعشق صوت لفة المواتير
وأغير لو شفت أخويا بيلبس..
من صناعة الغير
م أنا ابن مصر الطيبة ..
أم الولاد الطيبين

حتت بتاعة

أنا أصلي تحت بتاعة..
بأحلم باني جري
راكب حصان الشجاعة..
فاتح لروحي الطريق
وسط الغيطان ماشي..
والنيل على يمني
وف أيدي ورقة وقلم..
بأرسم ف تكويني
سن القلم مكسور..
والصفحة متلخبطة..
ولا عندي براية
خطيت حدود السور..
وقدرت على النطنطة..
وخرجت برايا
حسيت باني جسور..
وحبالي متربطة..
وف أيدي ميت راية
فجأة لاقيت الرايات..
متلونة بدم الخوات..
معجونة ف تراب الآهات..
والأمنيات ملهاس بريق
ما أنا أصلي تحت بتاعة..

بأحلم بأنني جرئ
السكة متكسرة ..
وأنا ماشي ومصمم ..
على الرحلة اللي وخذاني
الخطوة متقدرة ..
ع الأرض بتعلم ..
مغروزة في الوحلة ..
معانداني
وأجيب منين مقدرة ..
أنا بس بتكلم ..
والسكة لوسهلة ..
أقول تاني
أنا قلت أغير مساري ..
وأركب لي مركب يساري ..
أوصل لأخويا وجاري ..
وأداوي جرح الشقيق
ما قدرتش أمشي الطريق ..
ما أنا أصلي حنة بتاعة ..
بأحلم بأنني جرئ
ورجعت حافي القدم ..
والخطوة مسجونة ..
في سكتها ومخنوقة

أكبر حدودي القلم ..
والورقة معجونة ..
ف صفتحها ومزقوها
زادت ساعات الألم ..
والآهه ملعونة ..
باسكتها ..
وأقول روقه ..
نفسى أداوي الجراح ..
وف ليلى يشرق ..
صباح
والحلم يصيح ..
مباح
براح ..
يا حلمي البريء
راح من طريقي الطريق
ما أنا أصلي تحت بتاعه
بأحلم بأني جري

بشایر

توب جديد..
ملفوف ..
على جسم الوليد
مكتوب عليه ..
عنوان فريد
الثورة جاية ..
يا بلدنا ..
في توب جديد
ما اهو أصله ..
ما يقل الحديد ..
إلا الحديد
بدأ الوليد ..
يكبر ..
ويتحضر ..
ويركب فرسة الثورة
بعد الزمان ..
ما أندار ..
ولف له دورة
الفارس المغوار ..
راجع يغطي الدار ..
ويصلح اللي انكسر ..
ويداري كام عورة

ويبتدي مناورة ..
تخضر أرض النيل ..
وتخرج ..
زرعته النادرة
عشان ما يصبح ..
للمغلبة الصوت
ويمد أيده ..
في بوقهم ..
بالقوت
يلمهم ..
ويضمهم ..
وفوت
ويعدي بيهم ..
من جدار القهر
ويدوس ..
على وش الليالي ..
الفقر
يلضم ..
خيوط الفجر ..
بالتوحيد
ما يهموش الموت ..
وقلبيه عنيد
جامع ..

ملاحم كل زعمائنا
عارف ..
وشايف ..
كل أسمائنا
عبد العزيز مصطفى
ومحمدين ..
وأحمد
صابر ..
وصالح ..
وإبراهيم ..
وأسعد
راجع ..
وفاتح ..
جبهة ضد الظلم
مرسوم ..
على وشه الجميل..
الحلم
مفروش ..
في سكة عهده ..
حرب ..
وسلم
لكن بعزه ..
وعز للأوطان

وكتابه ..
في يديه اليمين ..
عنوان
بيطل ..
من فوق الجبين ..
وآذان
يجمعنا صف ..
للصلاة
نسجد ..
سوى سجدة نجاه
ينصرنا ..
بيها ربنا ..
الله
الله عليك ..
ما أجملك ..
يا ذا الوليد
ونقول من الأول
الثورة جاية ..
يا بلدنا ..
في ثوب جديد

كلام مقلوب

كلمايا..
وقالها لى صديق
قال لى أفهم..
بس إن حقيقي..
كل اللى بيحصل حوالينا ..
مش بادينا
خليك جنبى وضمن فريقى
دور على شكلك بالراحة
وأتكلم وبكل سماحة
ما تجيش ف الجد وتتصدر..
لأحسن هاتدوب جوه الراحة
وخادتني الدنيا ف..
مواويلها
مش عارف أغير..
أحوالها
لو قلت الحق..
أكون ظالم
وإن قلت للأ..
أبقى ف ذيلها
ويأحاول أعدى على جروحي
وأداوى بأيدي جراح روحي
ودوايا الصدق المتخفي
ورى صمتى الساكن..
(٣٠)

في صروحي
صدقني يا صاحبي..
أنا سمعتك
ويكل ما فيه..
أنا فهمتك
لكن فيه شيء..
جوايا برئ
بيقول يا صديق..
امسح صورتك
لطريق الحق..
سكك ودروب
أبدأ يا صديقي..
مالهش غروب
لكن فتح عينك..
هاتشوف..
جوه الكراسه..
كلام مقلوب

لَا مَشْءَ حَجَرٍ

لا مش حجر ..
بأدين صغار
ولا دم بيروح ..
ف الهدر ..
من غير قرار
دي روح كفاح ..
سكة ومسار ..
وكلمة الحق ..
اللي بتهد الجدار ..
وتشوق قلب الليل ..
تطلع منه ..
ميت مليون نهار
ثوار ..
وبأديننا الحجر
كلمة قدر ..
قالها الصغار
لبس الشهيد ..
ع الوسط كام قنبلة ..
وبأيده قام شد الفتيل
أشعل لهيب الانتظار
فتحت ..
بيبان السما

والحور على الأبواب بتتبسم
وأهلاً يا قمر بدر النهار
لكنه زادت فرحته..
يوم زفته ع الحور
لما عرف..
كام ذنب من جند العدو..
ولاً غار
الانتفاضة..
يا شباب..
الانتفاضة..
رجعت فينا السعادة
الانتفاضة..
سيطرت..
يا مخضبين..
سكة طريقكم بالدماء
أعظم عباده..
أه يا وليد..
ملعونة أيد هذا الشيطان
كلب وجبان..
اللي أصابك ف الفؤاد
واللي قتل أختك..
وهي ف المهاد

حتى الولاد ..
اللي لسانهم ..
ما نطق باسم الوطن ..
باسم البلاد ..
صبحت جثث ..
شلناها من بين الرماد
ملعون شارون
ملعون شارون ..
الحقد عنده شيء غريز
ملعون بيريز ..
ابن الكلاب ملعونين
غاوي السلام ..
واديه بدم ضحايا قانا ..
غرقانين
يا مفتونين بالهس ..
وبكتم النفس
يا مفطومين ع الدلدلة ..
وسط الحرس
يا عاشقين التنبلة ..
ونوم الونس
أرجوكوا فوقوا ..
افهموا معنى الكفاح
من طفل وسط دمار ونار

وكفاية عبارات الكلام
من شجب واستنكار
رب العباد
خلا الولاد أبطال
ف قلب المعركة
صوت الحجر
كالرعد عامل دربكة
الطفل
شاييل
شنطته ع الظهر
جاي من المدرسة
وبجه قد الحُصنه
يرجم شيطان الصهيونية
بالفتره
مش عاشق بيانات القضية
لساه بيكتب في حروفه
الأبجدية
كتب القلم
الله أكبر
القدس عربية
وف كل يوم بيموت شهيد
والشنطة لسه فوق كتافه
والنبلة في أديه الجميلة

أعدائه منها والله خافوا
متحصنين خلف..
الطقية وبندقية
وقنبلة..
يحضنها لما يضربوها
ما يخاف اللي خافوا
أرجوكوا فوقوا
افهموا معنى السند
لأجل الولد
معنى الكتاف المرصوصين
ساعة صلاة الفجر
ودعاء القنوط
معنى الخطوط
نغزل خيوط الثوب
ونرسمهم علم
والعاصي منا يتوب
ويعننها في ندم
تنثيت قدم
يكتب قلم
على راية العرب
اللي منداسه
تحت أقدام الجزم

الحق
عمره ف يوم ما تاه
مدام
نكون ديماً وراه
الله علينا
لما تتجمع أدينا
ونرجع الحب اللي تاه
مش قدس بس
اللي هاترجع يوم هنا
هاتعود لنا
كل البلاد
وهايتسم وش النهار
لا مش حجر بأدين صغار
لا مش حجر
بأدين
صغار

ألوان

لملمت عمري المبعثر ..
من على الرصفان
ورسمت بالريشة على ..
صدر الزمن ألوان
وف كل لون ..
قصة وحكاية
أحكيها من قبل البداية
ما أنا إنسان
عاشق تراب الأرض
علمني أبويا الفرض ..
وازي أكون إنسان
من يومي بأعشق الصورة ..
وأغرق مع الألوان
وف كل يوم قصة ..
وف كل يوم بصة ..
وأنا واقف فوق المنصة
وف ايدي ريشه ..
بأعزها ف عروقي ..
وأقول لها دوقي ..
طعم دمي الحلال ..
ف الحال ..
أطرطش بدمي ع اللوحة ..
ألمحها ملووحة ..

و أظبط الألوان
وأقول لها فوقى ..
يا نبضي وعروقي ..
أنا ليكي رسامك ..
فارس لأحلامك ..
أنا شمس أيامك ..
أرجوكي يا حلوة ..
يا كل يوم غنوة ..
أنا لسه زى زمان ..
بأعشق غنا الألوان ..
أولها كان دمي ..
الصورة ..
والعنوان
والصورة والعنوان أنتي ..
واللهي ما هنتي ..
يا نسمة الأوطان

مصري بسيط

ماليش في المحسوبة
ولا ليه في التظييط
من البيت لحد الغيط
من الغيط لحد البيت
مصري قوي وبسيط
ولا بعرف في السياسة
ولا شغل الدساسة
أما حكاية الحداثة
والفكرة بالتنقيط
ماليش فيها وعمرى
ما فهمتها ولا خبيط
طول عمرى يا عم ماشى
في الضلة جنب الحيط
لا بأحب أهتف وأهلل
ولا أقول يسقط منيل
باكل مش ومخلل
مصري قوي وبسيط
لكن لو مصر نادى
وقالت انجدوني
فجأة تلاقني ناطط
وثابت جندوني
واكل وش الأعادي
بسنانى عشان بلادي

ما أنا أصلي مصري خالص
وما حبش الهجايص
وأجري لو يوم تنادي
ما يهمنيش أعيش
فيها وما تودنيش
ومن خيرها ما تدنيش
أنا مش عبيط ولكن
حبي ما بينتهيش
علشان أنا مصري جداً
وما أحبش أنى أمشي
منفوش وطالع لى ريش
ما أنا أصلي مش عبيط
مصري لكن بسيط
مصري بسيط عادي
عاشق هوى بلادي
باتمنى أشوف خيرها
مفروش على ولادي
طول عمرى بأحلمها
وأنا جندي أدامها
وسلاحي بينادي
وبأقول يا مصر أنتي
غنوتى وحكايتي
وهواكي مش عادي

مرسوم على جبيني
وف قلبي تكويني
حبك يا نور عيني
موالي بينادي
والحلم يبقى أنتي
يا مصر يا حبيبتي

أحزاب

أنتوا أحزاب المعارضة
اللي قلتوا ألف لا
وإحنا أصحاب الحكومة
اللي قلنا ألف طظ
تشتموننا ترفضونا
تفضحوا رمة أبونا
برضوا طظ
إحنا أصلاً ..
لارقانين جوه الكراسي
مكتوبلنا وحظنا ..
وده شئ أساسي
وأنتوا ..
يا أحزاب معارضة
بطلوا وجعتوا راسي
عزبة الأبعد أبونا
محتاجلنا
وانتوا ..
لسة هتقرفونا
إحنا سايينكم في حاكم
وأنتوا ..
سيبنوا في حالنا
إحنا عاشقين العدالة
بس ما تزيدش الحكاية

عن القوالة
لحسن وحيات ..
راس أبونا ..
راح تجونا تشرفونا
يوم فرحكم ع العرايس
كرباجين حلوين ..
وجزمة
وحاجة شغل ..
جوانت ناموا ..
في الجرايس
أصلكم مالكمش لازمة
بطلوا معارضة وناموا ..
في الهجايس
إحنا عاملنكم عشاننا ..
لجل بس تذوقونا ..
لجل ما يشوفكم جيرانا ..
لما يجوا يشرفونا ..
يلقوا هيصة ..
ولمه ياما ..
ع الشاشات ..
بينقدونا
أما لما ..
تبقوا حُمه ..

و تصدقوا وتذهقونا ..
صدقونا ..
راح نطلع العصايا ..
وكرسي في كُلب ..
الحكاية ..
وتبقى ليلة ..
يا عم عمدة
ما أنتوا ..
أحزاب المعارضة
اللي قالت ألف لا
وإحنا أصحاب الحكومة
اللي قلنا ألف طظ
لو تبظ عينين أبوكوا ..
لحد برة
لو صراخكم ..
جابه لحد أمركا مرة
مش هاتخدوا ..
من الكراسي غير شوية
لجل ما نظبط ..
ونرسم في الوسية
مش هاتخدوا ..
من الكراسي ..
غير صورتها

تحلموا بيها في مناكم ..
يا خبيتها
وأي أحزاب ..
ناوية تدخل من جديد
راح ندوخ ..
حال أبوها ..
بقول جديد ..
ما القانون في أدين أبونا
أما لو راح تقرفونا
هتلاقونا ..
حاجة تانية
لحظة قول ..
يا عم ثانية
أيد أبونا الحلوة تنزل ..
فوق قفاكم
أنتوا واللي قال معاكم
هي دي كل الحكاية ..
سمعتونا
العبوا معنا البداية
بس أوعوا ..
تصدقوا وتزعلوننا
ما أنتوا ..
أحزاب المعارضة ..

اللي قالت ألف لا
وأحنا أصحاب الحكومة ..
اللي قالت ألف طظ
ترفضونا تشتمونا
تفضحوا رمة أبونا ..
طظ طظ وألف طظ

قُلُوبُكُمْ

افرد قلوبك..
يا وطن..
واسبح في بحر الحياة
من بين ضلوعك..
يا وطن..
ملايين بتفرش طوق نجاه
لاجلن ما توصل مركبك..
ما يهكم الريح القوية
اللي جاية من بعيد..
ولا تغلبك
ربط الصاري بحبال الجد
عد الحوارى للجهاد والرد
إيه يعني ريح..
لا تكون جريح..
ولا سيف صفيح..
خليك صحيح وصريح
وصحح وقوتك..
لسانا طوع لحظة أرادت عزتك
وياك جموع تفدي..
بحياتها ودمها
ربك خلقها للنزال..
ما يههما

قول للرجال اتجمعوا ..
ولا ترجعوا
وإن مال زمانك يا وطن ..
لساك شديد
من بين حيطان الملحمة ..
يخرج وليد
ويعيد تاريخك من جديد
انت اللى علمت الامم ..
معنى الصمود
وانت اللى بادين الجدود ..
رسموك علي الجدارن علم
ودليل وجود ..
طرحت ورود ..
من عطرها ..
اتعطرت كل البلاد
كل الولاد حواليك فدى ..
لو يوم ندى صوت الكفاح
ما يهمناش كتر الجراح
ما يهمناش مين اللى راح
لجل الصباح ..
ما يهل في عيونك ضياء
يفتح لنا باب السماء ..
والأولياء

حوليك وفاء ..
سيدنا الحسين ..
والسيدة
أهل الوفاء الفداء ..
أرضك تراث الأنبياء
عيسى ومحمد والكليم
أرضك عفية بنيل كريم
ببفيض بخيره ع الوجود
واحن الجنود ..
عرافين حدود الملحمة
وملائكة نازلة من السما ..
بتمدنا بالعزم
ما أنت الأمل والحلم
وإن ملت ..
دنيا الكون تميل ..
ويطل بعد الضى ليل
ما أنت الدليل
وافرد قلوبك ..
يا وطن
واسبح في بحر الحياه
من بين قلوبك يا وطن
ملايين بتفرش طوق نجاه

العمدة

من يومنا ..
واحنا طيبين
واخدين ..
على ضرب القفا ..
طول السنين
زى ما تقول ..
ماكتوبين ..
على ظهر لسته مسطرة
فيها العبط ..
والمهبولين
أجدادنا زرعوا الأرض بالسخرة من غير حساب ولا الجرح
طرحت ..
سنابل قمحها بلدي
جدي حكالي ..
عن أبوه عسران
كان برده راجل ..
والرجال دي زمان
قال يا ابن ولدي ..
انهارده كمان ..
زى اللي كان ..
على عمر أبوي عسران
العمده ..

كان ديماً بيوعدهم ..
بالخير ..
وطول الحكم يسعدهم
يفرش ..
لهم أرض الأمل ..
بورود
يكتب ..
لهم لسنة ..
وفيها وعود
لكنهم ..
يتفاجؤو بالموعود
العمدة ..
يأخذ كل شئ منهم
على رأى جدك ..
قصدي أبوي عسران
قبل ما يعلى ..
كرسي عمديته
يكثر كلامه يا ولدي ..
وحديته
ويصب ..
خير الدنيا من بيته
ويهد ..
من حيطه

ويبنى ..
في عشة الغلبان
على رأى أبوى ..
ابن البلد عسران
كان هو أجمل م الملاك ..
بزمان
ولما الغلابة ..
تشيله وتحبيه
فوق كرسي عرش العزبة ..
ويتوليه
يبدأ كلامه الحلو ..
ويعيد فيه
ويعدى يومه ..
والليالي تالية
ولاحد يقدر يفهمه ف بيان
على رأى أبوى ..
ابن البلد عسران
يرمي حمول العزبة ..
ع الغفرا
ويجيب مشايخ ..
للبلد ..
يا ولدي ما تدري
وتحت منهم قرايب وأصحاب ..
(٦٥)

وما أدرى
أصل الصحاب يا ولد ..
دول للصحاب سترة
تخنت مشايخ بلدنا ..
واحد وري الثاني
والجوع ف قلب البلد ..
بيهد من تاني
والعمدة مهما نصرخ ..
ونجض ونعاني
لا يهمه صرخة حد ..
ولا تاني
لو مات ..
أبويا وأخوي ياني
واللى يغيظك يا ولدي ..
قوله مع التقرير
أنا ضد مين يفتري ..
أنا ويا كل فقير
بأعلن ..
هابيع الأرض ..
والعزبة تبقى لفرد
واللى هايطلع ..
هيكون تمن تغيير
باع الطحين والمطحنة

باع الشدوف والمنحلة
وظهر علينا وانجلى
قال يا ولى ..
أيامنا لسه مقتدلة
ورجعنا من الأول كمان
على رأى أبوى ..
ابن البلد عسران
وأنا اللي جاتى زرعتي ..
يا غيطان
على رأى أبوى ..
ابن البلد عسران
كلوها يا ولدي ..
ع طول الزمان
على رأى أبوى ..
ابن البلد عسران
فتحت بلدنا الباب ..
ع الآخر
والعمدة قال للولاد ..
الفقرى يتاخر
أيام زمان ..
الكل في الصورة
وأجمل ما فيها الفقري والعامل

أما النهاردة..
الرأي للفاخر
أهلاً وسهلاً لللي جاي ..
يشري
يفتحله كام مندرة ..
وبمنظرة يسرى
يبنى ويعلى الحلوف العزبة
بس اللي كادنا يا ولدى ..
واللي كان يهري
العم فاخر ..
قرشينه بره
ينهب بلدنا ..
ويرمى على بره
وبلدنا حرة..
يا ولدى ..
وياما ف الجرة
ويمد أيده ويستلف ..
بضمان ..
أرضي وبيتى وزرعتى..
وكمان
لو يوم سألته يقول ..
د أنا غلبان

راحت بلدنا وضاعت ..
العزبة
بعد الرباط ع البطن ..
والكربة
بعد الليالي السوده ..
والصعبة
بدء الولاد من جديد ..
يا ولدى سكتهم
والصوت علي وانجلي ..
ولا حد سكتهم
علشان ما يوم الولاد ..
نفرح بضحكتهم
لا بد غيظهم يتزرع ..
بريحان
يطرح أمل ومعاه عمل وإيمان
على رأى أبوى ابن البلد عسران

شَرِيف

بيقولوا عنى..
أنى شريف ..
والله أعلم بالنسب
وازاي أكون من نسلهم
وأنا فيا طبا طيب العجب
شاعر ..
وصاحب كلمتين
كاتب ..

على جبين السنين
أنا أصلي من أهل الأدب
بعض الخلايق تبتسم
وتقولى ايه مش راضي ليه
دا أنت يا صاحبي..
بكونيتك عز الطلب
وأنا أقول لهم..
ازاي يا ناس..
جدي النبي ..

بقى والنبي النسل الشريف
بيلم أشكالى أنا ..
وأنا فيّه ألف عيب وعيب
قام الطيب..
قال يا جدع
كل الخلايق قبلنا كانوا كده

وبرحمة الله ربنا ..
وحبة رضا فاقوا ..
وذاقوا الاستقامة
أديك علامة ..
شوف الفاروق ..
عمر ..
اللي فرق بيه إله الكون ..
ما بين الحق والباطل
كان قبل ما يقول لا إله إلا الله ..
كان باطل
ولما نور سيدنا النبي ..
نور بصيرته والبدن
قال في العن ..
أنا كنت بأعمل ..
عجوتى إله ..
وأعبده
ولما أجوع ..
أكله يا ناس من أوله
أرجوكوا لا تتقولوا ..
بحكاية النسب الشريف
المسلم الحق النظيف ..
هو اللي يحفظ كلمته ..
هو اللي ياكل لقمته ..

من كد ايده
ويسبح الله ف سكته ..
يسجد لسيدده
رب الخلايق ..
عدل وميزانه حكيم
واللي يسير ..
على خط سيره المستقيم..
يصبح شريف..
ويعيش نظيف ..
ويموت نظيف
مش بالقرابة والنسب ..
ولا بالفلوس ..
وكنوز دهب
أقرأ كتاب الله ..
تبت يدى ابي لهب ..
عم الحبيب المصطفى
يالا العجب ..
مش بالقرابة والنسب ..
تصبح شريف

کلام مواویل

عشقت أقول الكلام
من أوله لآخره
وأقول لأهل الملام
أرجوكوا تتأخروا
والكلمة تصحيني
وتصحى مناماتي
وتفتح المقفول
وتقول حكاياتي
مكتوب عليه إني
أكون شاعر وكلماتي
تفرش طريق الأمل
ويأ العمل وتدوم
وأصور المواضع لا تضيع
وأعمل عليها زوم مفهوم
مفهوم يا قصدي إلهي عنده ضمير
بأفرش طريق الخير
وأحب أقول للغير
حاسب على الإخلاص
حب الحياة و الناس
والرحمة تبقى أساس
تطرح بساتين المحبة ف القلوب
(٧٧)

وتدوم مفهوم
مفهوم كلامي ولا مش مفهوم
وان كان ف سكة عمرنا خطوات
مد الادين ونجمع الأخوات
ألم الولاد وأحكي لهم الحكايات
علشان ما يخرج من صفوفهم روح
تفرش علينا العز مهما نروح
وتداوي باديها الجميلة جروح
طالت الأمانا ومن ليالي البوح
خرجت آهات عمرنا ويلمنا المسموح
من غنوة الحلم الجميل
تصحى مشاعرنا
ونعدى للمستحيل
وياخدنا مشوارنا
مدام نوبنا الخلاص
والقلب فيه اخلاص
توصل مراكب حلمنا
على برها المقصود
ونعود لأول مبتدى
وأنا ف اليدى
شاعر وعاشق كلمتى يا صحبتى
عشقت قول الكلام من أوله لآخره

لِسَانِي صَرِيحٌ

لا أنا صلاح..
ولا الأبنودي ولا بيرم
محمد رجب وخلص
وبالإحساس يا دوب عالم..
ماليش في النقد والتجريح
لساني صريح بقول هادي..
بلادي غنوتي وقصدي
بقول الشعر من صغرى..
وعارف سكتي ووعدني
وأرضي الورقة والمعنى
وقلمي الفاس والفكرة..
وأغرق ما بين القوافي..
واحساسي يا ناس صافي
لاعمري كدبت على نفسي
وحاسس إن ده قدرى
وقارئ كل ما فى أمسى
عشائى يا مصر يا منارى
تكوني في الزمان غنوة
أغنيها وأحكيها لأولادي
ما أنا شاعر وقولى تاريخ

عن اللى بييجري ف بلادي
ما أنا شاعر
وقولى صريح
لكن هان

رحيل فارس

رحيل الحبيب / فاوي الشريف

رجل الحبيب فاوي
شيلني هم جديد
وكانني أنا غاوي
للهم بالتحديد
رغم إني مش شاعر قوي..
زيه
إلا إني عاشق في الصحاب.. أسمه
شكله ورسمة
عقله وفهمه
ما أنا كنت فاهمه
وكنا صحاب
صاحب وفا وإخلاص
بيحب كل الناس
والشعر عنده أساس
يكتب بكل حماس
هو أصله فاوي..
وحيد عصره
رجل اللي كان القلم..
سيفه حقيقي بجد
يفرش على صحبته..
حبه وحنانه وود
ويمد يد الكرم..
زي الهرم شامخ

راكب خيول العزة ..
وبصوت قوي صارخ
ينده على اللي تاه
ويروح..
ويجري وراه ..
يجيبه ويوريه ..
سكة طريق النور
بقلب كالبنور ..
طواف بلاد الله
بالحب يا محلاه ..
يجمع رفاق الطريق
والقلب صافي وبرئ
في الحق دائماً جري
ورقيق في إحساسه
عاشق تاريخ ناسه
مفروش ..
على جبينه ..
زي الهلال العيد
يا صاحبي مش هنسك
صورتك هنا وهناك
أنا قلت يا محلاك..
شاعر حقيقي نظيف

كاتب لكن حريف
علم بأشعاره

على كل قلب شريف
فاوي الحبيب ..
يا شريف

الإسماعيلية
في ٢٧/١٠/٢٠٠٥م
٢٣ رمضان ١٤٢٦هـ

محتويات ديوان ألوان

م	اسم القصيدة
١	مقدمة
٢	الإهداء
٣	بحبك
٤	تعريف
٥	حثة بتاعه
٦	بشايير
٧	لا مش حجر
٨	ألوان
٩	مصري بسيط
١٠	أحزاب
١١	قلوعك
١٢	العمدة
١٣	شريف
١٤	كلام مقلوب
١٤	لساني صريح
١٦	رحيل فارس

رقم الإيداع بدار الكتب
(٢٠٠٦/٥٤٥٦)

حقوق النشر و الطبع محفوظة
للشاعر نفسه فقط دون الغير

الناشر / مطبعة السلام الحديثة
٧٦ شارع رضا و التجاري بالإسماعيلية
ب.ض ٩٩٥٦ - ملف ٥/١/١٨٥/٥/١

